

銅梁山人詩集

銅梁山人詩集卷第十八

渝江王汝璧鎮之

曉起喜雨

經旬苦歎溽火繖雲峯張嗒然而齋壁百事皆坐
忘罷琴思昭文止酒方柴桑但可據梧暝安得淩
風翔夜來江星動雲勢如隄防礎氣欲侵席曉霧
纔穿牕飛夢繞江蓉白雨何浪浪啟扉寂無人流
螢猶在牆跂懷望良畝禾稼紛穰穰蕉葉日以綠
蕙帶日已長慮淡意自得性適情彌芳古調寄空

碧響泉聽琤琮

忍冬花

密雨飄香鼻觀尋疎籬一帶仁清陰不貪夜識金
銀氣借用杜句亦有歲寒松柏心插鬢最宜鈿葉亂牽
蘿漸喜碧雲深貧家自有延年藥黃白神仙笑古

蟬

閏六月十五立秋

黃楊短短綠楊稠半月煙光戀小樓日午中天恰
中歲桐陰知閏復知秋未收殘蝻庚猶伏重駕圓
蟾火已流仁望洗車期尙遠迢迢河鼓正當頭

立秋夜聞絡緯

桐風悄悄動蟬鬢已有商聲到白閒涼露空庭溼
紈素清揚遠道憶蘭蓀斜河宛轉宵初永獨繭纏
綿思莫刪幾處秋燈鳴杼急高高圓月上巫山
軍勦賊至
巴東境

再咏絡緯疊前韻

筠籠小小付鴉鬟收取瓜區露草間夜月彈絲調
素羽秋風被徑長芳藎迴文往復吟難和遠思偏
反句未刪正是倚欄人不寐又吹涼雨過屏山

題仙娥采藥圖

圖作大青綠山水古松高梧曾巒飛瀑珍

禽奇獸踠伏游翔二仙娥高髻赤足霞帔
銖裳前者手長鏡撫狻猊後者戴羽蓋執
歌拍皆負葯籠異藹葳蕤多不可名狀意
者吳彩鸞杜蘭香之流耶圖無年代姓氏
古藻斑斕非宋名家不能作也因集長吉
句作歌題於左方

昆侖使者無消息小玉開屏見山色清明笑語聞
空虛元氣茫茫收不得阿母得仙今不老呼龍耕
煙種瑤艸狻猊獬豸吐饑涎泉腳挂繩青裊裊蛾
眉凝綠幾千年天濃地濃柳梳掃白狐向月號山

風離鸞別鳳煙梧中春風松花山上發早晚菖蒲
勝綰結仙妾采香垂珮纓海綃紅紋香淺清別浦
雲歸桂花渚石破天驚逗秋雨綠葢獨穿香逕歸
垂露妖鬢更傳語溪女洗花染白雲飛紅走香滿
天春縹粉壺中沉琥珀元霜絳雪何足云

途中卽目

禾黍似雲屯莎雞聲正繁我行田野畔但覺笑言
溫薄暝新涼動餘霞逝鳥翻幽圖誰繪得佳氣滿
秋原

豆莢埋牛脊高粱蔽遠空天垂碧壺影人在翠雲

中密葉不知暑新香自引風秋光無限好眞覺比
春濃

望紫山

龍井在紫山之麓自夏間
請雨至今三郡皆獲豐稔

翠微深處有仙潭記得驪珠手自探一片山光如
積鐵四圍天色似拖藍吹笙兩脚音猶嫻耕石羊
羣氣正酣翹首紫雲頻合掌似聞香雨下松龕

憩車騎關

輜車如水馳饋饌半載重關十來往楚秦黔蜀運
不停貔虎歡騰

湛恩廣機雲不敢留華嵩秦關百二無煙烽灑閩

王師掃蕩達蟻眾藉藉奔巴東天網四張無出路
莫使奔麋突圍去怒霆轟山陰硎灰驚豹投崖積
尸聚羽書火騎如星飛官軍已解南籠圍參弧芒
寒大如月妖慘就馘清坤維我倚闕亭頻遠望雷
車硃磳來天上勾婁吉利挾雨飛快洗戈矛歸玉
帳

抵磁州口占

清渠一帶碧波圍菱葉初長芡葉肥絕似江鄉好
風景稻花香散鷺絲飛

火雲馬首鬱崔嵬卓午行人笠子欹一路荷風香

十里不知殘暑去多時

寓滏陽張氏齋再題

大暑值閏序百物增長羸黍菽盡夏熟銜艾先秋
登我行隴畝間揮汗如炊烝不暇苦炎熱但樂觀
西成近郭得水鄉十里清波盈荷裳綠未汗蓮子
青初擎奇峯正當戶舊雨來叩荆紫藤瓔珞垂飛
舞如相迎蠹梁燕獨語瘦槐蟻方爭怪石拊欲動
鬱勃雲煙生粲粲紅白花各自相爲情主人樸而
魯家傳有經籬古帙尙滿架新醪纔盈觥寂坐景
兀兀望遠心怵怵軍行十萬衆日費千金營

恩膏遍黔蜀指日除欃槍茲邦福德鄉
飴齏不知兵嬉遊樂閭井安枕無調徵

七月朔日大風雨作

昨夜天河斜明星淨如砑四更急雨來
龍氣撲牕罅中雷響笙鐘屋漏走溝
汊得非奎瀆翻或乃天瓢瀉商飈何
颼颼終日號不嗷風雨各齊力眞最
不相亞風氣益怒張而雨更整暇有
時示以弱忽乃萬弩射炎官隊已歸
蓐收旗始禡出伏金精騰向夕火光
謝溢口雲如烝鼓山雷不嚇千里趙
魏疆靈雨久憑藉大田已穰穰晚種
亦穰稔甲子恐

金華山人詩
生耳秋朔或傷稼寄牋風雨司願力休相詫勿偃
禾黍莖勿決漳洛壩繼長但增高沉滯宜萃下莫
待崇坊庸先用酌尊罍

七夕

河鼓大星白高高擎兩旗人間烏鵲喜天上碧雲
知井絡光如練刀鋌影半規洗車聽好雨正及洗
兵時

閏歲秋偏早中宵漏正稀竚雲空冉冉衣露乍微
微碧漢自今古黃姑荒是非誰如張博望親與叩
支機

七夕宿臨洛關

洛河如帶水環環宛在秋雲杳靄間豈有仙駟垂
下界獨看虹雨過羣山千秋碧落誰分巧一夕黃
梁好駐顏喜對青粲光四照簷花蛛網正爛斑

雨中村行卽目

十分禾黍遠濛濛一半離披野水中急雨幸無逢
甲子大田依舊滿南東斷橋水漫孤村渡古廟僧
移破壁風盡日車行泥滑滑絕如輦浪泛烏篷

過邢臺七里河用西爽樓舊韻

十日愁霖撥不開灌河秋水亦雄哉鯉魚風裏誰

通札瓜蔓流時好泛杯曙色纔依蘋末動雨雲又
過翠微來遙看飛騎衝波去鼓鬣吹湍走若雷

白露日苦熱

跋烏渴驥共飛騰積雨纔收暑又增秋節已交涼
露降炎風更轟火雲升亂蟬似沸聲噉急流潦如
湯氣鬱烝獨喜大田諸婦子黃雲擴束滿溝塍

風雨遣懷

勁風千里疾如射四轉五復連日夜

風角書風一
日夜者來千

里裏飯誰逢子祀往御風或有列子嫁寒聲蚤送

豐山鐘飛空孰縱青鬢靴門前濫淖深一尺河干

野水生幾汶旅人不可馬不行輜車連蹇弓脫樺
蛙縮肚藏蟬腹瘖乾鵲喑喑不能咋笑予兀坐時
起行如蝠巡簷蝨綠架狡焉黠鼠思跳梁拔劍欲
斫怒瞋吒便想蛇矛左右盤書生好勇可笑詫披
衣亟喚力士鎬明月未來酒新醲白雲習習風颺
颺空庭無人黃葉下

白露後大風寒甚

白露未戒寒朔風忽厲發庭柯葉翻飛簷雀語啁
晰濕雲肆狂奔夢雨亂如髮似卷恆河沙欲散寒
門雪昨昔猶苦炎今且變涼節橐籥運神機風輪

疑鬼設我衣未裝棉我僕方凜冽我馬鳴蕭蕭颺
舉奮蹠齷健鶚摩九霄狐兔行可捩擊鮮重龜腹
朋酒好舖啜遙知征戰士鐵甲涼侵骨何處寄秋
衣望遠燈明滅絡緯鳴寒梭風簾度弦月一夜飛
新霜素砧聲不絕

喜晴卽事

積雨患不晴既晴患炎溽晴雨甯苦人人意自詰
曲歲功幸西成河流亦申東蒼茫造物心各與屢
其欲我

皇厘農畝垂念及疴疾行潦恐滯淤晚種損重糝

或有需助蠲亟予發帑粟大哉

仁如天富媪令已肅漏下快如篩

諺謂白露地漏如篩

支流

悉趨瀆洿邪已滿車麥隴早叱犢豈惟一歲豐定
有三年蓄小臣奉簡書周循問寒煥喜見乾鵲飛
不覺饒車速歸雲如偃旗羽騎道相屬指日聽簫
鏡清雨洗鉦鞞銘山誰所工韓孟句可續

寓齋秋夜四首

一月風兼雨行人去復來綠沈庭樹合白勃水雲
堆獨鶴時驚夜飛蚊欲聚雷釵槩花未已若木曙

霞開

蟋蟀鳴何亟中庭正擣衣文成五雜俎秋老九張
機望遠增愁緒新涼減帶圍碧天雲似海扶月到
書幃

邀月不成醉秋風氣正酣星明河以北露淨斗之
南中夜琴三弄青燈劍一械參旗天上過起舞共
穆穆

涼風催雁度陰雨正宵晴零露兩三點遙更廿五
聲天心憐晚歲人意急秋耕不遣愁霖積青霄故
有情

周鶴友次和前韻再酬四首

日始携琴去，今看插羽來。
碧蘿幽徑掃繡被，好花堆驛騎。
紛如織兵車走，若雷周郎饒。
整暇顧曲笑顏開。

高詠凌風發，秋雲欲染衣。
逸情清似庾，柔翰野於機。
花雨三更落，蟲聲四壁圍。
流螢自來去，忽忽照羅幃。

雨後極天淨，晴光老更酣。
福星臨亥野，朗曜麗丁南。
時值秋分斜魄珠分影，空秋鏡出函。
仙人渾不寐，桂葉已參參。

千里恒嵩路，雲霄一色晴。
絕塵看馬跡，傾耳聽鐘聲。

聲

時發官馬入千匹赴豫楚

節候涼兼煥秋田刈復耕商絃漫

蕭瑟吹律正多情

陳麗南周鶴友送饗過磁因留小飲

月照秋城鼓角新舉杯相對恰三人門前玉塞長

征馬

時吉林索倫征兵察哈爾官馬陸續到境

衣上恆陽古道塵赤子

但知忘

帝力諸公何以報

皇仁元戈耿耿威弧直貔虎驍騰氣益震

赴邢臺迎護兵馬途中卽目再用前韻

塞馬秋肥印字新戎車堅好送征人甜霜萬里涼

侵曉偃月一痕清絕塵風急雁鴻來有信雨滋桃

李欲生仁

洛鄆村中桃杏花盛開

夜來井絡光如洗遙想荆

襄鼓吹震

扣舷古渡碧波新官柳依依綠向人此去銅鞮聽
奏凱歸來笳鼓看揚塵商飈偃草一何肅金氣行
秋本至仁正好羆腹逢令序晨風厲翮勢彌震

閩沼關軍站行營

烏雲猛氣聚當頭貔旅來朝此暫留玉帳高牙新
虎落白沙細柳古沼州師門北耀雄三輔參首南
瞻控九旂壁上縱觀真欲舞書生直合帶吳鉤

夜渡沙河

青楊合杳水痕低，鼓浪吹湍送馬蹏。
萬里長風催塞雁，一灣冷月叫沙雞。
率然陣勢蛇行疾，霄爾星光虎
戈齊詰。且嵩雲導前路凜，秋飛
雨走庭霓。

中秋順德書懷

秋城絲管動清陰，獨醉深杯夜未深。
自是中年多感悼，每逢佳節倍沈吟。
青天碧海今何夕，白露蒼葭共此心。
爲想雲樓人不寐，天香飄粟月如金。

十六夜望邀同人小飲再用前韻

西風雪霽度槐陰，月色纔圓秋已深。
不爲閏年遲

既望要留昨夢助聯吟雲霄一夜織阿影風雨三
秋客子心計日小齋新釀熟郵筒快報菊紆金

十七夜月疊前韻

薄寒連夕作秋陰已見雲牕桂葉深吳質一生長
徙倚謝莊幾度費沈吟夷猶慢趨初更上信宿纔
懸小別心來日玉弓高挂處征夫虎韜正紆金

達呼爾兵
適到站

十八夜雨再疊前韻

行雲忽忽傍樓陰冷翠飄香桂陌深三日已多今
昔感七絃好續短長吟碧霄飛夢仙人影晦雨鳴

銅梁山人詩

恒山集卷十八

十一

雞壯士心坐看天花秋思永一簾燈影正鋪金

莎雞行用昌黎短燈檠歌韻

莎雞趯趯股角長夜棲露草朝日光秋田滯穗食
不盡齊蟬已老金風涼近人切切似欲訴蟋蟀未
入先登床邯鄲少年門雞客能通蟲語爲蟲策一

壺真欲酬千金凋鏤瓊瓏虛室白

邯人鏤刻壺盧
餉養冬月則實

懷中延之上坐玉軫前羽聲刺促不得眠霜花滿天
氣逾恣美人懷袖搖金翠銀河案戶清淺流河干
莫放匏瓜棄

螢火行再用前韻

虛梁睽睽流輝長何人東壁偷夜光金道火伏颯
陰燄着人衣袂生峭涼熒熒熠熠不自暖來入我
室登我床大白分芒照書客務成方術留蝨策腰
間一點佩囊紅馬頭亂墮飛星白務成子螢火丸
作絳囊佩之辟
盜兵却西明古魄却復前不驚吠犬人安眠雨過花
陰色嬌恣欲挾秋燐上空翠定知照字通仙靈芸
草三生莫輕棄

秋聲八首

鐘聲

豐山洪響振鯨牙寒重荒城鼓不搗一百八聲翻

貝葉三千沙界落霜花慢隨清梵穿雲表微度疎
林逗月華剛是五更聽欲斷曙光杲杲上朝霞

雁聲

倚樓吹笛送高鴻漫引深杯向遠風何處書傳人
字外一條絃落羽聲中夢回別浦沙空白叫徹寒
蘆色變紅歸燕呢喃相遇處離聲不似伯勞東

鵲聲

曙色初晴積潦收向陰牖戶好綢繆懷歸劇信家
人祝喚雨生憎拙婦謀風角有情堪報喜月華無
定肯輕投連朝作冷秋容澹催放南枝景更幽

雞聲

天河射角影勞勞
膈膊寒聲動遠臯
罷杼空閨燈似豆
過橋野店月如刀
誰教越石中宵舞
爲想柴桑止宿高
最好懷人風雨夕
半空叫徹海門濤

笛聲

鶴羽南飛度碧虛
洞庭波冷起遊魚
新聲未放梅花落
舊夢猶依杏影疎
入破秋空纖月駐
清商風引斷雲徐
中宵忽聽龜茲裂
肅肅霜高送隼旗

鉦聲

師行刁斗寂無驚
淦口神鉦靜不鳴
獨響秋城宵

漏永慢敲煙戍曉風清江雲想見簫鏡動峽雨遙
知火鼓明更喜小兒齊拍手豐年早聽賣餠聲

箭聲

草枯風勁好從田猿臂應知得兩肩一點星奔纔
向月九霄霜疾正鳴鳶鼓聲動地腥銛激鏘響穿
雲的暈圓此日參連方破敵威弧指顧靖狼煙

馬聲

秋色天涯柳未衰驛亭官馬正裘哀白龍堆外連
錢急青草河邊躑栗催忽忽嘶風隨雁去蕭蕭躡
景帶霜來一心思念功成會昂首煙塵四野開

雨夜用謝惠連秋懷韻

農功亦既成霖雨迺無患忽忽雲向陰耿耿秋未
晏昨宵天宇澄起視明星爛碧漢或浮豕夢雨先
滯鴈蟋蟀織虛堂蠨蛸挂塵幔音書憂喜雜氣候
暄寒半泥塗浩縱橫期程昧籌算役車馳不休日
馭行且慢策勳羨榮名素食慄薄宦趨事亟奔走
餘情愜眺翫放懷當秋岑攄志寄雲翰偶憩花木
清不涉絲竹亂徙倚足相羊風雨積昏旦時序未
覺遷雲物一何煥晨風無近心鳴鶴有幽歎獨有
吹幽人羔酒樂親串

過普通河

古寺臨沙瀨支流號普通秋陽半河柳黃葉一襟
風沙淨鳧翁白霜酣柿子紅太行青不斷極目送
賓鴻

霜氣迢然靜候蟲無一鳴野田時有雀空戍或飛
颺白水流沙積蒼山對古城此間無驛騎老柳度
鐘聲

重陽前一日借周鶴友陳金臺登聰明山用
昌黎謁衡嶽廟韻

登高有約如趨公馬蹄得得秋風中龍山不羨孟

嘉醉峴首何似并州雄太行蟠蟠幾千里螭奔猊
攫人難窮積陰盆塞西北與不周一角恒無風兒

孫紅紫踞牛首降婁房駟星辰通

紫山紅山婁山
兔山皆自太行

來而紫

山獨高聰山一峯獨靜燼大宮小岌中巖空俶落

上古味所自

唐盧頊
碑中句

魂魂嵐景何冲融巖平谷敞

石如畫飛臺架閣開琳宮旋風羊角起神怪萬千

龍佛堆金紅攜壺挈伴上高頂秋袍凝翠雲衣衷

霜花融融笑向客石氣凜凜當吾躬山靈聰明與

正直餘子碌碌非所同颯霄半空響松籟笙璫送

奏歌未終菜萸盈柿盈把韶顏相對真神功邯

銅梁山人詩

恆山集卷十八

五

山仙客睡不醒長天終古光臃臃來朝更訪碧霞
去紫山雲氣先來東

登石鼓山憩響堂寺遂遊黑龍洞酌滄泉再
用昌黎謁衡嶽廟韻

高秋飛步尋仙公神囷兀兀煙巒中蒼龍對踞勢
呀攫缺骨削劣爭長雄滄源一勺黑無底瀟灑
瀉無終窮危梯千仞逐猿狖洪厓肩拍來天風聳
願不放石鼉動呼吸真可天關通太行到此太奇
特哈呀歎飲皆剗空元雷鑿山走泉脈洞壑鱗次
神光融老僧蹉然拊屨鼓碁礮礮閣如旋宮鸞翔

鳳翥貝多下盤姍霞尾長青紅翩翩靈瀨激飛雨
會合神漢昭神衷珍珠萬斛掬在手盪胸濯骨清
厥躬神龍便挾溢泉去濫觴欲與嵒岷同溢源出鼓山南
趨會黑龍洞奇獸遁藏鸞鷲駐山有獸似駮驢虎
泉折而東下爲四楞頭食人僊文而方首土人呼鷲
嶺爲四楞頭食人僊窟宅天爲功雲蟠電掣急碓
磴冥煙翁翁星朧朧松陰蝙蝠掠歸騎響堂鐘鼓
來天東

別石鼓山

神鉦迢遞列高岑訪古探奇愜素心琳宇多情留
信宿翠蚪相與對崎嶇山人樂業河濱古山民多業陶瓦

銅梁山人詩

恆山集卷十八

末

川上尋源溢口深曉起乘風度重嶺煙鬟回首一
千尋

旋署留周鶴友飲

鞭絲嵐影重徘徊飛夢曾巒與曲隈攜手人從仙
窟返滿頭花帶小春來

次日
立冬

九秋風色頻催鴈一

室蟾光正照杯好友同心良夜永更然石鼎共詠
哈

次韻酬周朗字茂才

寒風釀雪酒重巡握手池塘好句頻傾蓋秋霄成
邂逅吹笙萃野得嘉賓

新秋始遇君
於廣平途次

商量舊學人

如月願誤新詞氣似春最是曲高慙屬和多君炙
轂笑方輪

邯鄲曉發

櫪馬與雞起蕭蕭振朔風大星疎樹外殘月曉煙
中霜氣急征雁寒聲度遠空洺山尋舊夢紫翠漸
瞳隴

天竹

小艸何緣號大椿定知冰雪鍊精神碧筠早擅東
南美朱顥纔垂靺鞨新酒綠鐙紅珠玑璨天寒袖
薄翠依因瓊瓏誤認安紅豆鎮日相思愛竹人

此君風致獨清華
小隊亭亭絳帳家
禦火定應棲
赤鷲補天那得賸丹砂

用梁程晉賦中意

迢迢竺國來東

土厯厯星榆映海霞
自是元冬太幽墨
故瑯玫瑰
伴梅花

銅梁山人詩集卷十九

渝江王汝璧鎮之

題龍尾硯

少海散金霞一泓凝古綠靈毓深溪精

六一研譜
龍尾以深

溪爲

上德比水蒼玉作作星有芒三三文在腹勒銘

紀嘉辰日月龍虬宿

題梅花道人畫月竹

竹中行圓蟾分外明疑是第二月分身來合并
竹中住莫放冰輪去青鳳舞珍筆纖阿不知處
竹中坐玉鏡當頭大除却鏡中人知心無一箇

銅梁山人詩

恒山集卷十九

竹中卧碧澥珠光破翬翬來天風飄然吹我過

同人醲飲爲消寒之會紀之以詩

冬晴過三九暖日恆熙熙飛霰不肯下泉竅空相
吹衢術凍已塗河斥冰流澌安用狐白裘貰酒理
亦宜吾友二三子無事同飲斯盤饌計蔬荀餌飮
櫛與梨諸君曩然笑此費已不貲投醪可作氣我
乃身先之躍然各張王如鼓左右旗逡巡迺就列
以次行鱗卮守約事可繼齊力功易爲從茲數晨
夕弦望頻推移有如驅與蚤迭食相遊嬉迢迢一
月晨四十五日時詼嘲雜髡衍道義窺與思令籌

似流水拊陣如握奇豈惟戒酣爽亦以策倦罷夜
半梅花開春到紅杏枝日日三百杯來歲來何遲
立春後二日大雪

入春纔二日飛雪猶六霏天風來東南浩浩吹寒
聲漫汗集池檻灑轉堆臯垞咫尺欲萬里膚寸連
四瀛倍增厚土厚轉益清虛清要使天壤間阡畝
無不平冬旱亦既久枯朽相撐撐甌龜欲兆坼泉
甌無滋榮老農獨懷懷春物皆營營感荷青帝力
始令乘元冥高軒渤澥濤歆飲恆沙傾麥田髮新
澤荻根夢初醒人意若飛鳥目朗毛骨輕鼓盪造

化機抃舞不可名，緬懷玉壘外。千里長征兵鋒霜，
激粉絮礮火騰。銛星竚望洗鉦鐳，悉眾殲狐麋。振
旅歌來思柳色，方青青。

戊午元旦

篆煙紛郁散城闈，東望桃都曙靄靄。新沃野遠含千
里潤，勾芒蚤放一分春。日邊雲物昇平色，雪外旛
花得勝人。嘉候已看逢雨水，洗兵正好趁芳辰。

人日偶題

元日到人日，寒飈日日吹。宿雲留雪伴，凍晷逗春
遲。麥意滋方足，天心喜可知。豐年燈事早，疊鼓颺

青旗

目極空雲盡風高候鴈歸峭寒凌栢葉冷翠上春
衣花信黃梅綻吟情白雪飛吾人樂無事佳日好
因依

二月二日間鳩

啟戶向朝靄天氣淑以新青雲翳喬木鳴鳩始依
因圓吭發清響斷續如未申嘉候倏云半百慮纔
紛綸眾竅日叫呶二麥愁埃塵桑上聞好語婦子
相殷勤蓬蓬春色遲翼翼聲動人蒼鷹本肅殺毛
角何怒震春風天上來變化從至仁喚雨澤庶彙

祝噎扶老身一枝借鵲巢與喜爲德鄰司分媿元
鳥農正借鴉鵲從茲到獲穀莫逐晨風振

春雨

春雨如佳客知時不速來灑衣花著袂浮蟻綠盈
杯夢艸侵尋見流鶯次第催牆東聞鵲喜紅杏一
枝開

一雨繁憂釋三春瑞麥滋濕雲低入戶新綠洵通
池香散賣花擔煙綿拂水絲青娥勤護惜苑外好
風吹

榆莢雨

冥濛高樹濕含煙
喚雨雛鳩語正圓
歷歷天街遮碧月
畢星旁天街
紛紛原野勝金錢
荷蓑農亟瞻榆日
撲蝶人歸禁火天
何處紅樓飄翠莢
蹴花舞燕正翩翩

郊行卽目

顛風鎮日攪長林
撲面榆錢綠滿襟
今日春光何太喜
麥苗翦碧菜鋪金

桑枝短短柳煙輕
穀雨昨宵雨未成
陌上旋風走羊角
前村遙聽轆轤聲

過紫山

圓地頻澆麥沙田亟種棉飛塵助風力暗雨隔山
顛赤子方憂旱雷聲尙蟄淵潛心宜有應膚寸望
雲天

再題淦陽張氏齋

寂寂藤陰自作花
蹉然藿逕又停車
書聲朗徹春風屋
喬木扶疎舊德家
燕子迎人似童稚
蝨魚狂走若麴麴
年時好句留書幌
大有雲煙護碧紗

輓丁霖溥觀察

同官論會合相聚等蓬萍
似子心能白逢予眼倍青
一辭魏臺樹五望海門星
忽竟騎箕去臨風遠

淚零

淚零思曩昔始識自盧龍慷慨一言合艱虞上谷
逢煙雲寧異態裙屐又聯蹤最是難忘處蓮池醉
後鐘

酌梨花春懷毛沁浦

梨花開罷石泉新滿酌梨花又一春喚起梨雲春
在手相思茆屋買春人

微雨過臨漳

便好隨車快作霖滄陽百里正濃陰濕雲推樹綠
無際飛雨入村煙更深古堞泥封城似斗衡漳水

過土如金農夫歌舞行人喜一樣春風望歲心

苑家堡宿田更家

白酒三杯醺蒼顏一笑溫偶拈坡老句漫與野翁
論卉木有真意兒童無俗喧粥雞鳴上樹鼯犬卧
當門戶牖新蘿蔓家珍老瓦盆煙迷子真谷雨足
丈人圍藥物桐雷辨農經汜蠶繙案頭有素問及
月令種植諸書
魯人恭不釋魏俗儉猶存剪韭春情厚炊梁客夢
繁相從話桑柘聊以問寒暄雨脚停雲幔簷花落
酒樽和風消獷習淳美見斯村

魏縣道中口占

突兀奇峯異態新
昏昏虹氣接城闌
恰當積雨蹄
涔溢一路鳴蛙到
列人

勃谿鳩婦聲何怒
嗶啞鴉雛語未眞
一朧槐陰方
卓午粘天濃綠正
迷人

廣平郡堤上眺覽

草色煙光綠正融
江湖遠目思無窮
春鋤立處菰
蒲雨啄木聲中
楊柳風黠黠怪雲
波上黑迷離野
卉道旁紅何時舊
觀還秋水十里芙
蓉漾碧空

平干阻雨用前韻

乍暖輕寒氣未融
泥行連日問芎窮
絕如梅子黃

銅梁山人詩

恆山集卷十九

六

時雨尙有棟花開後風酌酒且拚三日醉同心相
對一燈紅打牕徹夜蕭蕭響不覺天雞叫遠空

宿大石橋

頑雲吹雨作泥塗古柳危橋興不孤流潦縱橫亂
蘋藻荒祠頽侈走鼙鼙燈明野店聊成遇酒滴新
槽乍可酤漫說仙翁有遺趾何妨飛夢到蓬壺

宿明月店

煙散人初定星高月乍來一螢流屋角獨樹立牆
隈照壁字欲動驚人句可猜勞勞塵壘裏安得此

奇才

壁間有
詩極佳

過雨花庵再用吳七雲宗伯韻

題句與塵積滌塵聊啜茶
曼花本無著山雨一行
斜古柏尙禪說苾芻非
舊家坐來渾不憚鐘梵
總浮華

入邢州境

路入邢襄客思閒
舊遊歷歷想躋攀
白沙老樹圓津寺
翠巘斜陽扁鵲山
古道頻年移斥谷
行人鎮日費閒闌
黃雲雨後新盈隴
麥氣溫磨好駐顏

棟花

廿四番吹盡東風
故不廉弄芳已遲
暮得氣正當

炎碧實離離結涼陰碎碎添桐花須鳳職苦節未
宜占

獨坐納涼

兀坐庭陰靜宵分夜景幽花明香有影雲過月如
秋霏露忽成滴疎星止不流鳴鼃定何意侈哆不
能休

次韻和周鶴友

急雨纔過致爽然雲峯當戶雷痕穿素琴聲裏來
佳客蝴蝶飛時醒晝眠自有閒情蘭澤畔可無好
句縵華前笑予獨對巴童坐裁曲無心正憶邊

用昌

谷詩
意

月下與王浩堂小酌話舊

兼旬執熱少清吟此夕因君感慨深大陸桑麻三

宿夢

浩堂客南和署三載今將歸保定

保陽風雨一生心挑燈看

劍增豪舉邀月浮盃愜素襟爲愛飛鳥閒繞樹喜

無惡木有芳林

李載園郵致楊米人見和寄懷詩再用昌黎

韻索和

曙臆好鳥鳴交關飛飛蝴蝶來屏山冷風吹送苦

李句一篇楊子藏於問驪珠手闋一百六曼陀羅

花天女顏飛蓬神驥不稱意風髮霧鬣誰能閑我
方執熱困烝溽颺颺滿席涼生管昨宵有夢過溽
水火雲嶽嶽難躋攀棣華忽爾在爾室未之思也
何曾刪人生聚散豈一致似玦非玦環非環白鶴
不來鶴鶴笑跬步九折羊腸彎參辰胡爲故相避
終歲不覲非緣慳藹藹者雲蒼蒼者樹相思百一寧
癡頑

新秋納涼

小院秋初到微涼漸襲人芻尼聲正喜蟋蟀氣方
振風歛箕唇靜雲高月馭新遙知玉女石清響下

秋旻

嵩山有玉女持帛石立
秋夜山下常聞杵聲

七夕

煌煌牽牛星奈此兒童戲天女正紀綱但以扶筐

如

扶筐七星近織女織女主絲帛扶筐主蠶桑故
星經曰織女以扶筐爲如常向扶筐則吉不言

何鼓也占書乃有向牽牛之言因相沿傳會爲嫁牽牛耳今夕果何夕碧月不

照地花瓜陳中庭粉席散羅袂絳蠟光紛葩古鼎

香麝飄歡笑洽比鄰奔波及竈婢金針不難穿嬉

子亦易致羅拜伏璫瑜仰首如待飼一祝酌一盃

再祝三致意願皆如汾陽亦壽考富貴嘻爾何其

愚寤言乃如寐明神詎可誣福德豈倖冀少焉天

漢斜露滴如珠媚翹跂望靈鵠目倦神亦勦銀河
淨如拭豈有褰裳至請張孰權輿謬妄荒民志乃
謂兩侍兒亦隨太白逝郵之更效郵了不顧名義
虛空何清冷安忍此瑕纈好懿本秉彝反正皆爲
戾爲語乞巧兒養拙斯得計

沈時菴上舍攜沃田先生遺集來署感舊摠
懷卽用先生丙戌秋見贈詩韻

舊感紛吾念先生久返眞錦囊圖在否

先生常爲先中丞公

作笠屐圖藏篋中外舅錢文端公題識有

猶有詩人李昭玘圖成笠屐錦囊中之句葛帔客

來新風義足千古文章存後人西州當日淚我淚

又霑巾

七月十七日雨

負豬駭豕羣渡河斗魁雲氣如騰梭占云來日未
申雨至是果爾俾滂沱溝平坎溢跳鼃黽嚙階漱
級生層波蒹葭杜若宛在目碧雲護我池中荷七
夕過來已旬日天上或有千年多神仙荒省祇傳
說土木石怪真妖魔洗車不雨洗鉢雨一洗牛鬼
歸修羅浮屠結夏事乃已散堂各自叅維摩田更
婦子理銍艾數間茆屋黃雲窩我方寂坐撫物候
紆紆情狀紛殊科疎林雨過闐然靜西風齊女猶

嘯歌大星當頭伴明月皎皎玉鏡長空磨

薄恙口占

薄恙罕塵事閉關聊息機眞看秋氣逸漸覺夏蟲
稀雨淨滋紅蓼垣深引碧衣祇除明月到誰許漫
披帷

暑退雲光歛雨餘蟲語清我方持以靜物各得其
平觀水知魚樂當風識鳥情蠢蠢工織網何事苦
經營

護送軍饗至安陽作

苗民逆命始乙卯七旬干羽王師還白蓮邪枿復

煽惑由楚而豫而陝川枉矢蛇行疾於箭鳥道直
達峨眉巔懸槿度索莽出沒麋奔豕突颺颺翻火
光彌山恣蹂躪所過亭戍無人煙曰

王赫怒令雷厲命將授鉞參弧專攸飛材士猛如
虎番屯土練騰如猿烏雲揮霍十萬眾訇巖礚野
腥銜鮮投崖血及以萬計獲醜獻馘馳紅旃屠賊
盈千已損百鬼燐忽散忽復然三年脅聚日益眾
露蜂垤蟻蠅附羶官軍搜捕不遑息賊眾戢戢如
蠶眠棧雲頽山峽雨黑追風逐影疲周旋日費千
金米千石

詹謨先事籌萬全糗糧蕙杆悉周備織芥不肯侵
農田朱提裹號出內府八千萬帑如流泉貔貅裂
背馬汗血報恩一意何精堅

九重宵旰切懋望桓桓諸將宜爭先天網四布塞
磎谷如魚在釜獸在肩亟俘渠魁送丹闕風

雲竚待旂常鐫小臣守境控豫楚畿南河朔爲外
鍵年年饋饗此轉運漳神穩送車駢闐舉頭太白
芒角靜短簫指顧收戈鋌兵車歸農粟藏庾太平
村鼓歌豐年

秋旱卽目

節候亦多變秋分暑復仍潢洿渾吠蛤焚棘轉滋

蠅社雨遲新耩

農人於秋社前後耩麥

秋禾失晚登紫山吾

有舊馬首看雲騰

喜雨用前韻

一夜飄颻疾崇朝震霖仍不愁時有沴深快案無
蠅靈雨神絃協黃雲晚稼登金風何太喜雕鷲正
騫騰

雨宿肥鄉疊前韻

小住煩襟遣涼宵好夢仍風牕落幽壺石鼎咽飛
蠅肥水留雲宿洛山遲曉登不眠與雞起樽木漸

升騰

讀楞嚴經 有引

師利無言豐干饒舌寒山失路拾得攜歸一念
而九十刹那無方無所一息而四百生滅非相
非空僕渴仰祇桓繙帙貝葉琉璃合眼與彌勒
而同龕花雨著身住憍那之逆旅繪閻浮檀金
之卍字大有潮音參兜羅綿指之五輪差如泡
影云爾

昔讀列子書意指頗矍恍如坐颺颺中望洋增涸
澆天地一細物六鑿自相攘其生也暫來其死也

暫往安知於此歸不於彼生養有如震反生一陽
復滋長在物信有然於人理或罔又聞公孫龍堅
白入非想非指亦非馬鈎棘生瞋莽舌機翻不停
意縷繹多緼淳于韞難炙騶衍海未廣亦曰名家
言豎義多軋塊豈知大法輪先覺妙無上百寶青
蓮華密諦此提獎二子所敷揚小言如盼蠶八還
皆客塵行人屐幾緇誰其不汝還亭主實所掌燈
眼色非三指月見豈兩和合本妄緣輪轉寧滯象
卽此三摩提淨明如日朗緬維室羅城祇陁列方
丈上首五比丘狂簡猶吾黨鑄顏時若遇呼參應

如響無漏諸苦提辟支亦相仿奚爲人其人亦各
長吾長竊比有迷信至道無標榜過流窮其源析
義知所防西方有聖人冲虛不我迂

中秋小酌

前塵金粟影繽紛裔裔寥空散霽雲一歲蟾光最

端正九秋冀葉已平分

前一夕
秋分

浮杯月印眞成悟

攀桂天高定有聞爲憶瑣闥方射策更期阿買張

吾軍

時廣姪應
京兆試

課奚童種盆菊

錦囊詩影滿秋庭雨過東籬酒乍醒嘉種分栽從

上巳芳名次第問園丁護持冷翠新含蕾位置花

蓋待作屏好夢定應來石室不須惆悵讀騷經女翁

石室有菊花仙大比之歲士人乞夢最靈見夷堅志時兩壻及姪廣等應鄉試因以祝之

聞雁用前韻

玉露初霽月滿庭圓沙宿雁夢初醒誰家寄遠思
行子何處懷歸感戍丁幾點疎星斜碧漢一痕秋
影上雲屏揮絃相送應相識酣飲高樓憶舊經

待月疊前韻

海天暝色散空庭喚起涼蟾睡乍醒弓影微分金
屈戍漏聲纔下玉東丁相思千里同瑤鏡對影三

銅梁山人詩

恆山集卷十九

西

人展畫屏指顧雲樓丹桂滿彩鸞香陌昔曾經

聽雨再疊前韻

瀟瀟浙浙下階庭客去花飛酒半醒暗濕砌蛩抽
乙乙亂飄簷馬落丁丁高雲滯雁留箏柱小玉移
燈掩畫屏苔徑來朝新綠滿
忽然蠟屐有誰經

曝書三疊前韻

犢鼻何須挂小庭芸香散處蝶魂醒莫教濕化蟲
生丙

蝨魚名蝨魚以尾似丙也

好趣文明日在丁岫樓山光浮

几席鄰娘雲氣集帷屏郝隆自曬便便腹應笑邊

生只五經

滌硯四疊前韻

墨瀋寒雲散滿庭仙巖飛夢幾回醒月痕照手分
眉甲歛溪眉子硯如甲痕者爲舊坑池水生文辨尾丁數寸秋光
初過雨一方玉色乍開屏碧琉璃下蛟蟠處好爲
鵝羣寫道經

拂劍五疊前韻

看劍銜盃月滿庭鵝光一淬一回醒却邪底用求
剛卯飛景應知役女丁却邪飛景皆古劍名出匣星搖明大
角角星向人電掣走號屏不須更訪猿公去兵畧

家藏有舊經

銅梁山人詩

恆山集卷十九

五

調琴六疊前韻

試調清角叩秋庭不覺溫風草木醒爲想仙丹悟

專一

用水

如逢浣珮聽當丁何人浸髮三千丈

用長

吉詩

有夢行雲十二屏便好琴心問涓子宕山風

雨有遺經